

OFFERYNNAU STATUDOL
CYMRU

2024 Rhif 502 (Cy. 80)

BWYD, CYMRU

**Rheoliadau Paratoadau Cig
(Diwygio) (Cymru) 2024**

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio Penderfyniad y Comisiwn 2000/572/EC ("2000/572/EC") sy'n gosod amodau iechyd anifeiliaid a'r cyhoedd ac ardystiad milfeddygol ar gyfer mewnforio paratoadau cig o drydydd gwledydd.

Mae rheoliad 2 yn diwygio 2000/572/EC i ddileu'r amod mewnforio bod paratoadau cig o drydydd gwledydd wedi eu rhewi'n ddwfn yn y safle neu'r safleoedd cynhyrchu tarddiad.

Mae rheoliad 3 yn dirymu, o ganlyniad, offerynnau eraill neu ddarpariaethau offerynnau eraill a addasodd yr amod mewnforio hwnnw.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal aseiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

OFFERYNNAU STATUDOL
CYMRU

2024 Rhif 502 (Cy. 80)

BWYD, CYMRU

**Rheoliadau Paratoadau Cig
(Diwygio) (Cymru) 2024**

<i>Gwnaed</i>		<i>11 Ebrill 2024</i>
<i>Gosodwyd Cymru</i>	<i>gerbron</i>	<i>Senedd 12 Ebrill 2024</i>
<i>Yn dod i rym</i>		<i>28 Ebrill 2024</i>

Mae Gweinidogion Cymru yn gwneud y Rheoliadau a ganlyn drwy arfer y pwerau a roddir gan baragraff 11A(1) o Atodlen 2 i Reoliadau'r Fasnach mewn Anifeiliaid a Chynhyrchion Perthynol (Cymru) 2011(1).

-
- (1) O.S. 2011/2379 (Cy. 252). Mewnosodwyd paragraff 11A yn Atodlen 2 gan reoliad 2(2) o Reoliadau Rheolaethau Swyddogol (Anifeiliaid, Bwyd Anifeiliaid a Bwyd, Ffioedd Iechyd Planhigion etc.) (Cymru) (Diwygio) (Ymadael â'r UE) 2020 (O.S. 2020/1639) (Cy. 344) ac mae'n galluogi Gweinidogion Cymru i ddiwygio, addasu neu ddirymu unrhyw fân ddeddfwriaeth uniongyrchol a gymathwyd a wnaed o dan Erthygl 8(4) o Gyfarwyddeb y Cyngor 2002/99/EC sy'n gosod y rheolau iechyd anifeiliaid sy'n llywodraethu'r broses o gynhyrchu, prosesu, dosbarthu a chyflwyno cynhyrchion sy'n dod o anifeiliaid i'w bwyta gan bobl (OJ Rhif L 18, 23.1.2003, t. 11) ("Cyfarwyddeb 2002"). Mae O.S. 2021/1 (Cy. 1), a ddiwygir gan reoliad 3 o'r offeryn hwn, yn addasu Penderfyniad y Comisiwn 2000/572/EC sy'n gosod amodau iechyd anifeiliaid a'r cyhoedd ac ardystiad milfeddygol ar gyfer mewnforio briwrig a pharatoadau cig o drydydd gwledydd (EUDN 2000/572). Mabwysiadwyd Penderfyniad y Comisiwn 2000/572/EC (OJ Rhif L 240, 23.9.2000, t. 19) o dan Gyfarwyddeb y Cyngor 94/65/EC sy'n gosod y gofynion ar gyfer cynhyrchu a gosod ar y farchnad friwrig a pharatoadau cig (OJ Rhif L 368, 31.12.1994, t. 10) ("Cyfarwyddeb 1994"), ond mae i'w ddehongli fel pe bai'n cael ei wneud o dan Gyfarwyddeb 2002 yn rhinwedd darpariaeth yng Nghyfarwyddeb 2004/41/EC Senedd Ewrop a'r Cyngor (OJ Rhif L 157, 30.4.2004, t. 33) ("Cyfarwyddeb 2004"). Bu i Gyfarwyddeb 2004, a ddiddymodd Gyfarwyddeb 1994, ddarparu yn Erthygl 4 y dylid dehongli cyfeiriadau at Gyfarwyddebau penodol, gan gynnwys Cyfarwyddeb 1994, fel pe baent yn cael eu gwneud, yn ôl y cyd-destun, at Gyfarwyddeb 2002; yn unol â hynny, mae'r rheol ddehongli honno yn cael yr effaith bod y pŵer ym mharagraff 11A o Atodlen 2 i O.S. 2011/2379 (Cy. 252) i addasu mân ddeddfwriaeth uniongyrchol yr UE a ddargedwir a wnaed o

Enwi, cymhwyso a dod i rym

1.—(1) Enw'r Rheoliadau hyn yw Rheoliadau Paratoadau Cig (Diwygio) (Cymru) 2024.

(2) Mae'r Rheoliadau hyn yn gymwys o ran Cymru a deuant i rym ar 28 Ebrill 2024.

Diwygio Penderfyniad y Comisiwn 2000/572/EC

2. Ym Mhenderfyniad y Comisiwn 2000/572/EC sy'n gosod amodau iechyd anifeiliaid a'r cyhoedd ac ardystiad milfeddygol ar gyfer mewnforio briwgig a pharatoadau cig o drydydd gwledydd ac sy'n diddymu Penderfyniad 97/29/EC(1) hepgorer Erthygl 3(3).

Dirymiadau canlyniadol

3. Mae'r canlynol wedi eu dirymu—

- (a) rheoliad 3 o Reoliadau Paratoadau Cig (Diwygio ac Addasiadau Darfodol) (Cymru) (Ymadael â'r UE) 2021(2),
- (b) Rheoliadau Paratoadau Cig (Diwygio ac Addasiadau Darfodol) (Cymru) (Ymadael â'r UE) (Diwygio) 2021(3),
- (c) Rheoliadau Paratoadau Cig (Diwygio ac Addasiadau Darfodol) (Cymru) (Ymadael â'r UE) (Diwygio) (Rhif 2) 2021(4),
- (d) rheoliad 3 o Reoliadau Rheolaethau Swyddogol (Estyn Cyfnodau Trosiannol a Diwygiadau Amrywiol) (Cymru) (Ymadael â'r UE) 2021(5),
- (e) Rheoliadau Paratoadau Cig (Cymru) (Diwygio) 2022(6),
- (f) rheoliad 3 o Reoliadau Rheolaethau Swyddogol (Estyn Cyfnodau Trosiannol) (Diwygio) (Cymru) 2022(7), ac

dan Erthygl 8(4) o Gyfarwyddeb 2002 yn ymestyn i addasu Penderfyniad y Comisiwn 2000/572/EC.

- (1) EUDN 2000/572, a ddiwygiwyd gan O.S 2020/1462 a 2021/1 (Cy. 1).
- (2) O.S. 2021/1 (Cy. 1), a ddiwygiwyd gan O.S 2021/376 (Cy. 117), 2021/977 (Cy. 231), 2021/1480 (Cy. 382), 2022/618 (Cy. 140), 2022/1317 (Cy. 266) a 2024/17 (Cy. 6).
- (3) O.S. 2021/376 (Cy. 117).
- (4) O.S. 2021/977 (Cy. 231).
- (5) O.S. 2021/1480 (Cy. 382).
- (6) O.S. 2022/618 (Cy. 140).
- (7) O.S. 2022/1317 (Cy. 266).

- (g) Rheoliadau Paratodau Cig (Diwygio ac Addasiadau Darfodol) (Cymru) (Diwygio) 2024⁽¹⁾.

Huw Irranca-Davies

Ysgrifennydd y Cabinet dros Newid Hinsawdd a Materion Gwledig, un o Weinidogion Cymru
11 Ebrill 2024

⁽¹⁾ O.S. 2024/17 (Cy. 6).